

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 39 zenbakia. 1999ko ekainaren 11.

Hamaikatik bederatzi zinegotzira

Biztanle kopuruaren beherakada dela eta, bi zinegotzi gutxiago



E

kainaren 13an, domekan, egingo dira udal hauteskundeak eta Antzuolako Udalak, legintzaldi berrian bi zinegotzi gutxiago izango ditu.

Izan ere, bi mila biztanle baino gutxiago gara herrian eta horren arabera, bederatzi zinegotzi baino ezin dira egon Udaletxean. Hortaz, hamaika zinegotzi izatetik bederatzi izatera pasako da Udal taldea.


Orain dela lau urteko udal hauteskundeetan, 1995ean, 1642 antzuolarrak izan zuten boto eskubidea. Horiatik 1.283k eman zuten botoa. Abstenzioa beraz, %22koa izan zen; zehazki, 359 lagunek ez zuten botua eman. Egun berean egin ziren, baita ere, Aldundirako hauteskundeak eta zentsuan zeuden antzuolarretatik 1.279k bozkatu zuten. Aurten zentsuan 1.613 antzuolar daude.

Aurtengo udal hauteskundeetan ZUTIK eta EH alderdiek zerrenda bateratua aurkeztu dute. Gauzak horrela, orain dela lau urteko datuak begiratuta, boto kopuruan EAJ alderdiak baino boto gehiago lortuko lituzkete. Hortaz, seguruenez, bi zerrenda horien artean egongo da alkatetza. ■



Astelehenean Herri Irratian izan ziren EH, EAJ eta EAko hautagaiak.

1995	UDALA	BATZAR NAGUSIAK
EAJ	447	369
HB	324	390
ZUTIK	155	-
EA	142	204
PSE-EE	114	184
PP	-	38
IU-EB	-	32



SAN JUAN BEZPERA

Ekainaren 23an, eguaztenean, udaran sartuko gara. Antzuolan ere arbola jasoztea eta San Juan suak izango dira. Iluntzeko 20:00etan izango da eta ondoren Oinarin dantza taldeak emanaldia eskainiko du, Herriko plazan. Udalak, gainera, egun hori aukeratu du lore eta balkoi ederren saria banatzeko. Irabazleak 30.000 PTA jasoko ditu.

JUBILATUEN BAZKARIA

Uztailaren 11n egingo dute euren jaia jubilatuek. Egun horretan bazkaria izango dute Jubilatuetan. Hori dela eta, izena emateko epea ekainaren 30ean amaituko da. Bazkaria 500 PTA kostako da. Izena Jubilatuetan eman behar da.

MENDI IRTEERA

Arrola Mendizale Elkarteak Andutzero mendi irteera antolatu du ekainaren 20rako. Garaia aprobetxatuz gainera, hondartzara ere joango dira arratsalde aldera, beti eta eguraldiak laguntzen badu. Izena emateko Arrolara jo beharko da ekainaren 14an, astelehena, arratsaldeko 19:30etatik 20:30etara bitartean.

LANBIDE HASTAPENA


Deba Garaiko gazteentzako ikastaroak antolatu ditu Mankomunitateak. 16-20 urte bitarteko langabetuek sukaldaritza, igeltserotza, elektrizitatea, arotz-lanak, mekanika, e.a. ikasi ahal izango dituzte 1999ko irailetik 2000ko uztailera bitartean.

Eskabideak Deba Garaiko udaletxeetan aurkeztu behar dira ekainaren 18a baino lehen. Plaza mugatuak izango dira.

PEGATINA LEHIAKETA

Urtero legez, Antzuolako jaietako pegatina lehiaketarako deia egin du Idolazek. Euskara eta jaiak elkartzen dituzten esaldiak aurkeztu behar dira. Lanak udaletxera zein udal liburutegira eraman daitezke. Irabazleak 20.000 PTA jasoko ditu.

Artxibo historikoa eta Udal akordioien datu basea



XV. mendekoa da artxibo historikoan dagoen dokumenturik zaharrena.

Udalak dagoeneko informatizatu du artxiboa. Udalak 1642tik hartutako erabaki guztiak ordenatu eta katalogatu dituzte, erabilera errazteko asmoarekin. Iñigo Ramirez de Okarizek hasi zuen lana; berak, ordea, eskuz egina zuen katalogazioa eta oraintsu Gemma Navarrok osatu berri du datu basea.

Udal akordioek osatzen dute datu base horretan jaso den materiala. Guztiak 1979. urtera artekoak dira eta akordio zaharrena 1642. urtekoa da.

Datu baseari esker, errazago topatu ahal izango da edozein gairi buruz udaletxean hartutako edozein erabaki. Lau modutara aurkitu daitezke dokumentuok: liburuen arabera, aldeen arabera, egunaren arabera eta gaiaren arabera. 3.585 dokumentuk osatzen dute datu basea eta oraindik udaletxeko ordenagailuetan bakarrik dagoen arren,

laster udal liburutegian zein interneten aurkitu ahal izango da. Gero, noski, dokumentuen bila udaletxera jo beharko da.

Dagoeneko hasi dira 1980. urtetik aurrerako udal akordioak gehitzen.

ARTXIBO HISTORIKOA

Udal akordioien datu baseaz gain, artxibo historikoa ere berrituz dute. Dokumentu hauek legajoka gordeta daude, hau da, karpitetan. Karpeta bakoitzean gai beraren inguruan egon daitezkeen dokumentu guztiak daude.

Aurkitu den zaharrena 1489. urtekoa da. Han irakurri daitekeenez, gaur egun udaletxea dagoen tokian garai hartan Madalena ospitala eraikitzekotan ziren. Udal artxibo historikoa udaletxeko bigarren solairuan dago. Armairu berezi batzuetan gorde dituzte dokumentuak, gehiago hondatu ez daitezzen.

LARREA
TABERNA
Kalebarren 17
ANTZUOLA

KALEGOI 19 ☎ 943 76 64 07
Tomas Gezalaga
ANTZUOLA BERGARA
• Apainketarako eta industriarako pinturak •
• Paper margotuak •
• Mokatet eta tapizatuak •

GOROSTI
Taberna
☎ 943 76 62 96
Zurrategi plaza ANTZUOLA

KALEGOI 19 ☎ 943 76 64 07
Tomas Gezalaga
ANTZUOLA BERGARA
• Zoruen kutzilatua eta barnizaketa •

Primerako liga amaiera!



Isabel Martin omendu zuten futbolariak berriz ere.

Joan zen zapatuan primeran pasa zuten herriko futbolariak Donostian. Liga amaitzeko Zubietara joan ziren herriko hiru futbol taldeetako jokalariei eta zuzendaritzakoak. Errealak entrenatzen duen

tokiko instalazioak ikusi ostean, Donostiara joan ziren; izan ere, bazkaria egin zuten hantxe 70 lagunek. Isabel Martini oparia egiteko aprobetxatu zuten gainera futbolariak eguna. Berak eramaten

dizkien tortillak eta bestelakoak direla eta, Isabelek bere "mutikoen" maitasuna bereganatzea lortu baitu. Eta futbolariak hori eskertzekotan AKERen izenean zintzilario bat oparitu zioten.



San Juanak Uzarragan

Ekainaren 20an, domekan, ospatuko dira Uzarragan San Juan jaiak. Iaz udalkideen eta Uzarragako biztanleen arteko desafioa egon zen Uzarragako jaietan, urtero egiten den bazkariaren ostean. Jende dezente elkartu zen, gainera, eta giro aparta izan zen.



Sokatira izan zen iazko desafioetako bat.

ALKATEA EPAITUA

Joan zen eguaztenean epaitu zuten berri ere Mikel Larrea alkatea. Aurreko al-dian bezala, soldadugaien zerrendak ez egitea leporatzen dio fiskalak, baina oraingoan 1980ko soldadugaiena. Mikelek azaldu digunez, "kuriosoena da 1979ko soldadugaien zerrendak ere ez genituela egin eta horren aurkako salaketarik ez dugula jaso". Alkatearen iritziz, "ez da zentzuzkoa horrelako salaketa bat, kontuan izanda orain dela gutxi absolutu egin nindutela 1979 soldadugaien zerrendak ez egitearen salaketatik, baina orain berriz joan behar naiz epaitegira salaketa berdinagatik".

JAIETARAKO ESKAKIZUNA

Udalak Antzuolako jaien inguruko erakusketa antolatu nahi du jaietan. Etxean gordeta dauden jaietako egitarauak zein argazkiak udaletxera eramatea eskatu dute, ekainaren 15erako.

ANTZUOLA

Apaintekak eta isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Billegia: 943 78 70 40

EGAÑA


Era guztietako arotz lanak

Tarima eta parketa jartzea
Zoruen kutxilatze eta barnizatuak

Kalegoi 21, ANTZUOLA Tf.: 943 76 64 23

GAILUR

taberna eta
gozotegia




Buztinzuri 13 ANTZUOLA
Tf. 943 78 70 32

Kirol-zaleen jaia

Domekan izango da eskola kirolaren festa

Eskolaz kanpoko kirol saioei amaiera emateko aurten lehenengo aldiz neska-mutiko guztientzako jaia antolatu dute eskola kirolaz arduratzen direnek. Herriko ikastetxea, gurasoak eta AKE dabil-tza antolakuntzan. Zapatuan, ekainaren 13an izango da jaia.



Herri ikastetxeko hiru geletako neska-mutikoak ibili dira aurten eskola kirola egiten. Dagoeneko amaitu dute denboraldia eta eskola kirola zuzentzen ari diren arduradunek kirolari gazteen esfortzua txalotu nahian, eurentzako jaia antolatu dute. Trialsina izango da ikuskizun nagusia, baina urtetan eskola kirolaz arduratu izan den AKEko kideek diotenez "protagonista nagusixak herriko umiak izango die".

Irakasleek, gurasoek eta AKEko kideek zuzentzen dute Antzuolan egiten den eskola kirola. Irakasleak kirol ekitaldien egutegiaz arduratzen dira. Zapaturu Bergarara joan behar izaten dira eta gurasoak izaten dira haurrak alde batera eta bestera daramatenak. AKEko kideek adierazi digutenez, "Antzuolako ume danak dabitx eskola kirola egiten eta gainera izena emoten daben danak etorri izan die zapaturu, kalerik egin barik. Gainera oso ondo etortzen jakue eskola kirola egittia, eta ez bakarrik kirola egittia

ona dalako, baita 12 urterekin Bergarara joan behar dielako ikastera, eta kirola egiten dabitzen bittartian jentia ezagutzen dabe eta Bergarako eskoletara joaten dienerako lagunak edukitzen ditte. Lagunak egiteko modu bat be bada".

KIROL UGARI

Saskibaloia, eskubaloia, zazpinako futbola, atletismoa eta piraguismoa ere egin dute 10, 11 eta 12 urteko haurrek. Bergarako ikastetxeetako taldeen aurka aritzen dira herriko kirolariak. "Hillabete bakoitzian kirol bana egin izan dabe, gutxi gora behera. Martxora arte futbolian, saskibaloian eta eskubaloian ibilli zien

eta udaberrian atletismuakin hasi gihan. Tartian bestelako jolasak pe egiten ditzute, pedagogia lantzeko. Maiztarian, berriz, pisinetan piraguismo egiten ibilli die". Futbola omen da kirol izarra neska-mutikoen artean, baina "saskibaloia be asko gustatzen jakue, bai neskei zein mutillei".

ZAPATUKO JAIA

Arratsaldeko 15:00etatik 20:00etara Herriko plaza itxi egingo dute. Izan ere, 17:00etan trialsin erakustaldia egongo da haurrak saritzeko. Iker Lezeta munduko trialsin txapeldunak eskainiko du erakustaldia. Zenbait kotxe eta enbor jarriko dizkiote plazan eta berak bizikletarekin duen abilezia erakutsiko du. Horrez gain, Ikerrek hamar pertsonako taldeak gaintik pasako ditu bizikletaz, emozioa areagotzeko. Arratsalde partean haur guztiek merienda izango dute eta ondo-ondo erromeria. ■

Trialsin erakustaldia egingo da
17:00etan herriko plazan zapatuan



Iaz hamar neska hauek osatu zuten alebin mailako taldea.

igor eta Txomin

Pintura orokorrean.



Paper, tela, binilo, kortxo... estaldurak.

Gotelesa, itzukuak eta

bestelako imitazioak.

ANTZUOLA BERGARA

☎ 943 76 60 39 ☎ 943 76 19 98



Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak

- Bero-aurreztea
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu



DESKARGA
AUTOAK

Antigua auzoa z/g Antzuola.
Tf. 943 76 62 75